

INUIT ATAQATIGIIT

INATSISARTUNI



UPA16/50
28. april 2016
Sara Olsvig

Nuna allamiunut tunngasut Kalaallit Nunaannit tiguniarnerannik suliami ingerlanneqartumi qimaasunik aalajangersimasumik amerlassusilinnik tigusisinnaanermut periarfissap ilanngunneqarnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Naaja H. Nathanielsen, Attaviitsoq)

Siunnersuuteqartumut attaviitsumut Naaja Nathanielsen-mut siunnersummut Inuit Ataqatigiit qujarusuppugut.

Siunnersuuteqartoq Naalakkersuisut akissuteqaataat tunngavigalugu siunnersuutiminut allangnuutissatut siunnersuuteqarsimavoq. Takusinnaavarput allangnuutissatut siunnersummi suliareqquneqartoq Naalakkersuisunit suliarineqarluni aallartinneqareermat.

Naalakkersuisut akissuteqaatiminni allapput qimaasunik tigusinissamut inatsisitigut periarfissaqareersugut – akissummit issuaavunga:

"Aammattaaq amerlassusilereerlugit tigusassatut qimaasunut atuuppoq, tamannalu nunanit allamiunut peqqusummi § 8-mi nassuiarneqarpoq. Nunarput, De Forenede Nationers Højkommissær for Flygtninge imaluunniit nunat tamat akornanni isumaqatigiissuteqarnerit allat malillugit, amerlassusilereerlugit tigusassatut qimaasunik tigusisinnaavoq" issuaaneq naavoq.

Qimaasunilli tigusinissamut piareersarneq suli naammassineqanngitsoq Naalakkersuisut nalunaarput suliallu piffissaqarfiquarnissaanut noqqaallutik. Naalakkersuisut akissutaannit issuaaqqippunga:

"Tassunga atatillugu isumaqarpunga tulluartuussasoq inatsiseqarnermik tigusiniarnerup aallartereersup, aammattaaq nunatsinni qimaasunik tigusisinnaanissamut inatsisitigut tunngavilersuinissamik imaqtup, pisarialimmik toqqissilluni suliarineqarnissaa. Pissutsit amerlasuut nassuaatigineqassapput nunarput qimaasunik tigusinissamut piareertinnagu. Oqareernitsitullu tamanna suliaralugu aallartereerparyut". Issuaaneq naavoq.

Allangnuutissatut siunnersuut Naalakkersuisut suliareriigaannut naapertuummat ataatsimiitaliami torersumik piffissaqarfiquarlugulu naammassineqarnissaa inassutigaarpayut.